



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԵՎ
ՊԵՏԱԿԱՆ ԲԱՐՁՐԱՍՏԻՃԱՆ ԱՆՁՆԱՎՈՐՈՒԹՅՈՒՆՆԵՐԻ
ՄԻՋԵՎ ՓՈԽԱՆԱԿՎԱԾ ՀԵՌԱԳՐԵՐ ԱՄԱՆՈՐԻ ԵՎ ՍՈՒՐԲ
ԾՆՆԴՅԱՆ ՏՈՆԵՐԻ ԱՌԹԻՎ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԵԾԱՀԱՐԳ ՆԱԽԱԳԱՀ
ԼԵՎՈՆ ՏԵՐ-ՊԵՏՐՈՍՅԱՆԻՆ

Երևան

Հարգարժան Տիար Նախագահ,

Դիմավորում եմք Նոր տարին և Սուրբ Ծննդյան տոները, մեր հայացքը դեպի երկինք, աղոթքով սրտեռանդ, որ բարին Աստված մնա Ձեզ օգնական և զորավիգ Ձեր հայրենանվեր առաքելության ճանապարհին, մեր օրերի դժվարին ու տագնապալի պայմաններում: Աղոթում եմք Ձեզ մշտանորոգ եռանդ ու լավատեսության ոգի:

Ողջ լերուք զորացյալ Սուրբ Հոգով:

Հայրապետական օրհնությամբ՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՐԻԱՐԳ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. Էջմիածին

* * *

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԵԾԱՀԱՐԳ ՎԱՐՉԱՊԵՏ
ԽՈՍՐՈՎ ՀԱՐՈՒԹՅՈՒՆՅԱՆԻՆ

Երևան

Հարգարժան Տիար Վարչապետ,

Նոր տարվա սեմին և Սուրբ Ծննդյան ավետիսով բերում եմք Ձեզ և Ձեր գործակիցներին Մեր մաղթանքը՝ կայուն առողջություն և հայրենաշեն աշխա-

տանքի անապառ եռանդ, հաղթահարելու համար մեր ժողովրդի առաջ այս օրերին ծառացող ծանր դժվարությունները:

Նոր տարին թող իր հետ բերի լրումը մեր ազգային արդար իղձերի՝ խաղաղությամբ ու բարօրությամբ:

Զեզ արևշատություն և օրհնություն:

ՎԱԶԳԵՆ Ա.

**ԾԱՅՐԱԳՈՒՅՆ ՊԱՐԻԱՐՔ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**

Ա. Էջմիածին

* * *

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԸՆԹԵՐ
ԿՐՈՆԻ ԳՈՐԾԵՐԻ ՊԵՏԱԿԱՆ ԽՈՐՀՐԴԻ ՄԵԾԱՀԱՐԳ ՆԱԽԱԳԱՀ
ԼՅՈՒԴՎԻԳ ԽԱԶԱՏՐՅԱՆԻՆ**

Երևան

Հարգարժան Տիար Խաչատրյան,

Նոր տարվա շեմին Քրիստոսի Սուրբ Ծննդյան ավետիսով բերում ենք Զեզ Մեր ամենաբարի մաղթանքները Զեր արևշատության և Զեր հայրենանվեր գործոց հաջողության համար՝ այն հավատով, որ մերօրյա տագնապալի կացությունները շուտով կվերանան, և մեր ժողովուրդը կգտնի իր կյանքի խաղաղությունը՝ իր արդար իղձերի կենսագործմամբ:

Հայրապետական օրհնությամբ՝

ՎԱԶԳԵՆ Ա.

**ԾԱՅՐԱԳՈՒՅՆ ՊԱՐԻԱՐՔ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**

Ա. Էջմիածին

* * *

**ԾԱՅՐԱԳՈՒՅՆ ՊԱՏՐԻԱՐՔ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱԶԻՆԻՆ**

Ա. Էջմիածին

Վեհափառ Տեր,

Ծնորհավորում եմ Զեզ Ամանորի և Սուրբ Ծննդյան առթիվ: Մաղթում եմ, որ Նոր Տարում թեթևանան մեր ժողովրդի հոգսերն ու հաղթահարվեն դժվարությունները:

Թող նոր՝ 1993 թվականը մեր երկրի համար լինի խաղաղ, լուսավոր ու երջանիկ տարի:

Հարգանքով՝

ԼԵՎՈՆ ՏԵՐ-ՊԵՏՐՈՍՅԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԱԽԱԳԱՀ

Երևան

* * *

ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱՋԻՆԻՆ

Ս. Էջմիածին

Վեհափառ Տեր,

Ընդունեք իմ ջերմ բարեմաղթությունները Սուրբ Ծննդյան և Ամանորի առթիվ:

Օգտվելով առիթից, կամենում եմ գոհունակությամբ նշել Ձեր հայանպաստ, համախմբող գործունեությունը և, ցանկանալով Ձեզ քաջատողջություն, հույս հայտնել, որ այդ գործունեությունը 1993-ին կլինի ավելի արդյունավետ և բեղմնավոր:

Թող 1993 թվականը խաղաղության և բարօրության տարի լինի Հայաստանի, հայ ժողովրդի, ողջ աշխարհի համար:

Ամենայն բարիք Ձեզ, ուժ և կորով:

Խորին հարգանքով՝

ԽՈՍՐՈՎ ՀԱՐՈՒԹՅՈՒՆՅԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Երևան

* * *

ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱՋԻՆԻՆ

Ս. Էջմիածին

Սիրելի Վեհափառ Տեր,

ՀՀ Կառավարության և Կրոնի գործերի պետական խորհրդի անունից ջերմորեն շնորհավորում եմք Ձերդ Սուրբ Օծության Ամանորը և Սուրբ Ծննդյան տոներ:

Մեր ազգի համար այս ծանր օրերին Ձերդ Սուրբ Օծության ազգաշեն գործունեությունը արդեն իսկ հոգեկան մխիթարության և լավատեսության լիցքն են տալիս մեր ողջ ժողովրդին: Մենք վստահ ենք, որ այս ծանր փորձություններից էլ պիտի կարողանանք պատվով և արժանապատվությամբ դուրս գալ՝ ուղենիշ ունենալով մեր ազգային գերագույն շահերը, առաջնորդվելով պատմական պահին արժանի իմաստությամբ և եռանդով: Վստահ ենք, որ այս ճանապարհին Հայ Առաքելական Եկեղեցին Ձերդ Սուրբ Օծության իմաստուն առաջնորդությամբ իր արժանի ներդրումը կունենա:

Սիրելի Վեհափառ Տեր, ցանկանում եմք Ձերդ Սուրբ Օծությանը առողջություն, երկար տարիների կյանք, անասան վճռականություն որդեգրած գործունեության մեջ, ի փառս մեր հրաշալի ազգի, ի փառս Հայ Առաքելական Սուրբ Եկեղեցու, ի փառս մեր Տեր Յիսուս Քրիստոսի:

Լավագույն ցանկություններով և

ամենախոնարհ որդիական սիրով՝

ԼՅՈՒԴՎԻԳ ԽԱՉԱՏՐՅԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԸՆԹԵՐ
ԿՐՈՆԻ ԳՈՐԾԵՐԻ ՊԵՏԱԿԱՆ ԽՈՐՀՐԴԻ ՆԱԽԱԳԱՀ

Երևան